



Službeni glasnik

Općine Donji Vakuf

Broj 7/12

Donji Vakuf, 04.09.2012. god.

Strana 106

OPĆINSKO VIJEĆE

87

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08 i 2/12) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf na 34. redovnoj sjednici održanoj 31.08.2012. godine, donosi

ZAKLJUČAK

o prihvatanju Izvještaja o realizaciji Programa rada Općinskog vijeća za period januar – juni 2012. godine

I

Prihvata se IZVJEŠTAJ O REALIZACIJI PROGRAMA RADA OPĆINSKOG VIJEĆA ZA PERIOD JANUAR – JUNI 2012. GODINE.

II

Ovaj Zaključak će biti objavljen u "Službenom glasniku Općine Donji Vakuf".

Broj:01-05-02040/12
Donji Vakuf, 31.08.2012. godine

Predsjedavajući općinskog vijeća
Hodžić Muhamed s.r.

88

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08 i 2/12) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf na 34. redovnoj sjednici održanoj 31.08.2012. godine, donosi

ZAKLJUČAK

o prihvatanju Informacije o provođenju zaključaka Općinskog vijeća donesenih u periodu april – juni 2012. godine

I

Prihvata se INFORMACIJA O PROVOĐENJU ZAKLJUČAKA OPĆINSKOG VIJEĆA DONESENIH U PERIODU APRIL – JUNI 2012. GODINE.

II

Ovaj Zaključak će biti objavljen u "Službenom glasniku Općine Donji Vakuf".

Broj:01-05-02041/12
Donji Vakuf, 31.08.2012. godine

Predsjedavajući općinskog vijeća
Hodžić Muhamed s.r.

89

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08 i 2/12) i člana 76. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf, na 34. redovnoj sjednici održanoj 31.08.2012. godine, donosi

O D L U K U o dodjeli priznanja

Član 1.

Povodom Dana Općine Donji Vakuf dodjeljuju se općinska priznanja kako slijedi:

- a) NAGRADA 14. SEPTEMBAR
 1. HADŽIĆ MULI
- b) OPĆINSKA ZAHVALNICA
 1. SKROBO EHLIMANI
 2. Rafting klubu „DABAR“ Donji Vakuf.

Član 2.

Uručenje priznanja izvršit će se na svečanoj sjednici Općinskog vijeća koja će biti upriličena povodom obilježavanja Dana Općine Donji Vakuf.

Član 3.

Ovu Odluku objaviti u "Službenom glasniku Općine Donji Vakuf".

Broj:01-05-02042/12
Donji Vakuf, 31.08.2012. godine

Predsjedavajući općinskog vijeća
Hodžić Muhamed s.r.

90

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08 i 2/12) i člana 76. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf, na 34. redovnoj sjednici održanoj 31.08.2012. godine, donosi

P R O G R A M obilježavanja 14. septembra - Dana Općine Donji Vakuf

I

14. septembar - Dan Općine Donji Vakuf obilježit će se prigodnim programom koji će biti organizovan u saradnji sa: J.U Dom kulture Donji Vakuf, Sportskim savezom Donji Vakuf i Crvenim križom Donji Vakuf.

II

Program obilježavanja 14. septembra - Dana Općine Donji Vakuf će sadržavati slijedeće kulturne i sportske manifestacije:

- konkurs za najbolji literarni rad
- večer sevdaha i poezije na platou ispod Sahat kule;
- izložba slika;
- smotra folklora;
- prijateljska - revijalna utakmica FK "Radnik" sa klubom Premijer lige BiH u organizaciji i pod tehničkim rukovodstvom FK Radnik;
- 4. pozivni turnir u košarci za mlađe kategorije uz učešće najboljih 8 ekipa članica A1 i A2 lige;
- otvoreni kup SBK "14. Septembar" u Flay fishingu u gradskoj zoni rijeke Vrbas;
- tradicionalni planinarski pohod "Stazama oslobođilaca";
- biciklistički pohod-memorijalna brdska vožnja „Stazama oslobođilaca“;
- 9. ekipni karate turnir "14. Septembar-memorijal Arif Magrdžija";
- pozivni pojedinačni turnir u perzijskoj tavli "Kup 14. Septembar";
- otvoreno dvodnevno šahovsko prvenstvo Donjeg Vakufa;
- stonoteniski ekipni turnir u konkurenciji mladih kategorija;
- turnir i prezentacija vještina tae kwon do sporta u Donjem Vakufu;
- odbojkaška utakmica ženskih školskih reprezentacija Donjeg Vakufa i Bugojna;
- pregled seoskog stanovništva u okviru Nedjelje borbe protiv TBC-a.

Tačna satnica održavanja pojedinih manifestacija bit će utvrđena naknadno a istu će

odrediti predsjednik komisije u saradnji sa nosiocima aktivnosti: J. U Dom kulture, Sportskim savezom i Crvenim križem.

III

U okviru Programa obilježavanja Dana Općine bit će:

- upriličena svečana sjednica Općinskog vijeća na kojoj će Općinski načelnik podnijeti prigodan referat i uručiti općinska priznanja;
- svečano pušten u promet lokalni put Prusac – Ajvatovica;
- organizovan vatromet.

IV

Finansijska sredstva za realizaciju ovog programa obezbjedit će se iz stavke "Grant za obilježavanje značajnih datuma" predviđene budžetom Općine Donji Vakuf za 2012. godinu, u iznosima i po nosiocima kako slijedi:

- J.U Dom kulture Donji Vakuf 3.000,00 KM
- Sportski savez Donji Vakuf 3.000,00 KM
- Crveni križ Donji Vakuf 400,00 KM.

V

Ovaj Program će biti objavljen u "Službenom glasniku Općine Donji Vakuf".

Broj:01-05-02044/12
Donji Vakuf, 31.08.2012. godine

Predsjedavajući općinskog vijeća
Hodžić Muhamed s.r.

91

Općinsko Vijeće Općine Donji Vakuf na 34. redovnoj sjednici održanoj 31.08.2012. godine, na osnovu člana 45. Stav 1. Zakona o građevinskom zemljištu Federacije Bosne i Hercegovine ("Službene novine Federacije BiH", broj: 25/03, 16/04 i 67/05), člana 24. Statuta Općine Donji Vakuf ("Službeni glasnik Općine Donji Vakuf", broj: 1/08 i 2/12) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10) donosi

Z A K L J U Č A K

I

Poništava se konkurs, broj: 01-31-02133-1/11 koji je 18.01.2012. godine objavljen u dnevnim novinama "Oslobođenje" i na oglasnoj ploči Općine Donji Vakuf.

II

Ovlašćuje i zadužuje se Općinski načelnik da preduzme potrebne radnje i mjere u cilju konačne realizacije Projekta izgradnje kompleksa poslovnih objekata na zemljištu poblize opisanom u tač. a) i tač. b) ovog Zaključka.

III

Radi privođenja zemljišta trajnoj namjeni **ODOBRAVA SE ponovno raspisivanje konkursa** za dodjelu neizgrađenog građevinskog zemljišta državnog vlasništva (na kojem se nalazi nedovršeni objekat) označenog u Zemljišnoknjižnom uredu Općinskog suda Bugojno u zk. ul. br. 3442 (tač.a) i zk. ul. br. 2870 (tač. b) sve u KO Donji Vakuf i to:

- a) - k.č. br. 1146/14 površine 2531 m², zv. „Park kod Doma kulture Janj“, po kulturi park,
- k.č. br. 1146/38 površine 148 m², zv. „Janj – Park“, po kulturi park državno vlasništvo 1/1 sa upisanim pravom korištenja u korist Općine Donji Vakuf sa 1/1 dijela, a koje odgovaraju upisu u Katastarskom uredu Općine Donji Vakuf iz Pl. br. 309/17 KO Donji Vakuf I i to:
 - k.p. br. 1226/2 površine 2531 m², zv. „Bare“, po kulturi ekonomsko dvorište
 - k.p.br. 1226/3 površine 148 m², zv. „Janj“, po kulturi Park korisništvo/posjed upisan u korist: Općine Donji Vakuf sa udjelom od 1/1.

- b) - k.č. br. 1146/23 površine 1509 m², zv. „Gradilište“, po kulturi gradilište
 - k.č. br. 1146/26, površine 1741 m², zv. „Dom kulture“, po kulturi gradilište državno vlasništvo sa 1/1 sa upisanim pravom korištenja u korist Općine Donji Vakuf sa 1/1 dijela, a koje odgovaraju upisu u Katastarskom uredu Općine Donji Vakuf iz Pl br. 309/17 KO Donji Vakuf I i to:
 - k.p. br. 1230/2 ukupne površine 3250 m², zv. „Bare“, po kulturi kuća, zgrada i ekonomsko dvorište, korisništvo tj. posjed upisan u korist Općine Donji Vakuf sa udjelom od 1/1, a radi izgradnje: -

prodajnog centra, spratnosti prizemlje sa galerijom maksimalnih dimenzija 50,80 – 20,80 + 67,90 – 23,5 (m) stepenaste dispozicije odnosno maksimalne NP 2923,40 m²: - parking prostori i interne saobraćajnice površine cca 2464 m² - zelene površine oko objekta površine cca 672 m².

IV

Početna cijena naknade za dodjeljeno neizgrađeno građevinsko zemljište iznosi 30,00 KM po m² ukupne površine navedene u tač. a) i tač. b).

- Cijena naknade za pogodnosti - renta za netto korisnu površinu iznosi 39,00 KM po 1 m²

- Cijena naknade za uređenje građevinskog zemljišta za netto korisnu površinu iznosi 26,00 KM po 1 m².

V

Obavezuje se Općinska služba za prostorno uređenje, katastar i imovinsko pravne poslove da po okončanju konkursne procedure formira građevinski plac na način da se objedine parcele koje su navedene u tač. a) i tač. b) ukupne površine od 5929 m², a u skladu sa Rješenjem o urbanističkoj saglasnosti, Nalazom i stručnim mišljenjem, broj: UP1-05-23-00422/12-2 od 17.08.2012. godine.

VI

Obaveze investitora

- Da ukloni nedovršeni objekat na predmetnoj lokaciji, a u skladu sa Idejnim urbanističkim rješenjem.

Na ime izvršavanja ovih obaveza cijena naknade za pogodnosti i uređenja građevinskog zemljišta umanjit će se za iznos nastalih troškova, a najviše do iznosa ovih naknada obračunatih za površinu postojećeg nedovršenog objekta.

- Da u roku od 15 dana od dana pravosnažnosti rješenja o dodjeli zemljišta plati ponudenu cijenu za zemljište .

VII

Kriterij i mjerila

- visina ponudene cijene po 1 m²
- kvalitet razvojnog programa
- broj novozaposlenih radnika i
- visina investicije

VIII

Pravo učešća i prijava na javni konkurs:

1. Pravo učešća na Javnom konkursu imaju sva pravna i fizička lica odnosno organizacije.

2. Prijava na Javni konkurs treba da sadrži: ime i prezime, odnosno naziv firme, tačnu adresu odnosno sjedište i kontakt telefon prijavljenog kandidata odnosno ovlaštene osobe i ponudu o visini naknade za zemljište koje je predmet konkursa.

Uz prijavu na konkurs potrebno je priložiti:

- Fotokopiju lične karte (za fizička lica) ili izvod iz sudskog registra (za pravna lica);
- Rješenje nadležnog ministarstva (za organizacije);
- Uredno ovjerenu izjavu o broju novozaposlenih radnika i visina investicije;
- Uvjerenje da nema neizmirenih obaveza prema Općini Donji Vakuf;
- Dokazi (uvjerenje/potvrda) o izmirenju obaveza po osnovu javnih prihoda zaključno sa 31.08.2012. godine (porezi, doprinosi za PIO/MIO, doprinosi za zdravstveno osiguranje, obaveze po osnovu indirektnih poreza);
- Dokaz poslovne banke o solventnosti ponuđača;
- Dokaz o uplaćenju kauciji u visini od 10 % od početne cijene, koja iznosi 17.787,00 KM na račun Općine Donji Vakuf broj 1011 3300 5426 4342 vrsta prihoda 722431 kod Privredne banke Sarajevo u Donjem Vakufu.

Učesnicima konkursa koji ne ostvare pravo kupnje uplaćeni iznos kaucije se vraća, a prijavljenom kandidatu koji bude izabran uplaćeni iznos će se uračunati u visinu naknade.

Upaćeni iznos kaucije se neće vratiti prijavljenom kandidatu koji odustane od prijave nakon otvaranja ponude.

3. Konkurs ostaje otvoren 15 (petnaest) dana od dana objavljivanja u dnevnom listu „Oslobođenje“ i na oglasnoj ploči Općine Donji Vakuf.

4. Prijavu na javni konkurs dostaviti u zatvorenoj koverti sa naznakom „Komisija za provođenje javnog konkursa - ne otvarati“ na adresu Općina Donji Vakuf, ul. 14. septembar br. 22, 70 220 Donji Vakuf ili neposredno na protokol Općine Donji Vakuf.

5. Nepotpune i neblagovremene prijave neće se razmatrati, a komisija će donijeti zaključak kojim se

takva prijava odbacuje.

6. Prijavljeni kandidati će se o rezultatima javnog konkursa obavijestiti u roku od osam dana od dana zaključenja konkursa i isti će biti objavljeni na oglasnoj ploči i web stranici Općine Donji Vakuf.

7. Općina Donji Vakuf ne snosi nikakve troškove ponuđača u postupku po ovom konkursu, te zadržava pravo da konkurs poništi i ne snosi nikakvu odgovornost prema učesnicima konkursa.

IX

Zaključak stupa na snagu danom objavljivanja u "Službenom glasniku Općine Donji Vakuf".

Broj:01-05-02045/12
Donji Vakuf, 31.08.2012. godine

Predsjedavajući općinskog vijeća
Hodžić Muhamed s.r.

92

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08 i 2/12) i člana 84. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 5/08, 2/10 i 4/10), Općinsko vijeće Donji Vakuf na 34. redovnoj sjednici održanoj 31.08.2012. godine, donosi

ZAKLJUČAK

po aktu Crvenog križa Donji Vakuf, koji se odnosi na neblagovremenu isplatu plaće, poreza i doprinosa

I

Zahtijeva se od svih javnih ustanova i javnih preduzeća da, u roku od 60 dana, dostave podatke o neizmirenim obavezama po osnovu poreza i doprinosa, te programe izmirenja ovih obaveza koji uključuje rok izmirenja (ne duži od 24 mjeseca) i izvor sredstava za izmirenje ovih obaveza.

II

Ovaj Zaključak će biti objavljen u "Službenom glasniku Općine Donji Vakuf".

Broj:01-05-02046/12
Donji Vakuf, 31.08.2012. godine

Predsjedavajući općinskog vijeća
Hodžić Muhamed s.r.

SADRŽAJ

Red broj:	str.
OPĆINSKO VIJEĆE	
87. Zaključak o prihvatanju Izvještaja o realizaciji Programa rada Općinskog vijeća za period januar – juni 2012. godine	106
88. Zaključak o prihvatanju Informacije o provođenju zaključaka Općinskog vijeća donesenih u periodu april – juni 2012. godine	106
89. Odluka o dodjeli priznanja	107
90. Program obilježavanja 14 septembra – Dana Općine Donji Vakuf	107
91. Zaključak o poništenju konkursa za dodjelu neizgrađenog građevinskog zemljišta državne svojine u svrhu izgradnje kompleksa poslovnih objekata	108
92. Zaključak po aktu Crvenog križa Donji Vakuf, koji se odnosi na neblagovremenu isplatu plaće, poreza i doprinosa,	110